

妙法蓮華經 方便品第二

爾時世尊從三昧安詳而起  
告舍利弗諸仏智慧甚深無  
量其智慧門難解難入  
一切声聞辟支仏所不能知  
所以者何 仏曾親近百千萬  
億無數諸仏盡行諸仏  
無量道法勇猛精進名稱普  
聞成就甚深未曾有法  
隨宜所説意趣難解舍利弗  
吾從成仏已來種種因縁  
種種譬諭 広演言教 無數

方便 引導衆生 令離諸著  
所以者何 如來方便 知見  
波羅蜜 皆已具足 舍利弗  
如來知見 廣大深遠 無量無  
礙力無所畏 禪定 解脫  
三昧 深入無際 成就一切  
未曾有法 舍利弗 如來能種  
種分別 巧說諸法 言辞柔軟  
悅可衆心 舍利弗 取要言之  
無量無邊 未曾有法 仏悉成  
就 止 舍利弗 不須復說  
所以者何 仏所成就 第一

希有 難解之法 唯仙与仙  
乃能究尽 諸法実相 所謂諸  
法 如是相 如是性 如是体  
如是力 如是作 如是因  
如是縁 如是果 如是報 如是本  
末究竟等 所謂諸法 如是相  
如是性 如是体 如是力 如是  
作 如是因 如是縁 如是果  
如是報 如是本末究竟等 所謂  
諸法 如是相 如是性 如是体  
如是力 如是作 如是因 如是  
縁 如是果 如是報 如是本末  
究竟等

Wish \_\_\_\_\_

Name \_\_\_\_\_

Date \_\_\_\_\_